

Liberaalit – vapauten, koulun

ja integrašiuunin puolesta

Liberalismi tarkoittaa vapautta. Kysymys on vapaudesta ellää elämästi omin ehtoin. Sinua ei piä rajottaa sukupuolen takia, ei mistä sie tulet eikä sinun sukupuoliluontheen vuoksi. Kysymys on sinun kehon koskemattomuudesta ja turvasta aina verojen alentamisheen, ette sie saat enämpi vapautta tehä mitä sie haluat sinun omila rahoila. Met puolustamma aina vapautta ja sananvapautta ja vahvaa oikeusvaltiota, joka takkaa turvalisuuen yhtheiskunnassa. Tämä on vapautta, se on Liberaalit.

”Mistä sie olet pojessa taikka missä sie asut ei piä määrätä kunka hyvä sinun koulu oon, ei sitä jos jos tunnet arkipäivän turvaa, eikä sitä jos saatat saa’a työtä. Joka ihmisellä pittää olla maholisuus päättää omasta elämästhään ja oikeus tehä kovasti työtä totteuttaaksheen unelmansa.”

Liberaali porvarillinen hallitus

Sosiaalidemokraattinen hallitus oon kaheksan vuen aikana epäonnistunnu kuolun ja integrašiuunin puolela. Ruotti tarttee porvarillisen hallituksen, jossa oon vahva liberaali puolue, jolla oon koulun ongelmien ratkasut ja kans saattaa saa’a lopun ulkopuolisuuete. Liberaalit haluava muo’ostaa hallituksen Moderatien ja Kristdemokratien kans. Met olema althiita keskustelheen kaikkien valtiopäivien puolueitten kans saa’aksemme oman politiikan läpi.

Koulutus ja integrašiuuni

Koulutus oon vapauten asia. Huomisaikhoin Ruottia oottava tulevaisuus oon tänäpäivänä meän luokkasalissa. Siksi Liberaalit asettava koulun ensisijale. Liberaalit oon kans Ruottin integrašiuunipuolue. Sosiaalidemokraattinen integrašiuunipolitiikka oon johtanu siihen, ette puoli miljoonaa ihmistä ellää riskialthiila alueila, missä elämänmaholisuusuet oon vähäset. Meilä oon suunnitelma sille, ettei Ruottissa ole yhthään riskialtista aluetta. Totteuttaaksemme sen tarvithaan vahvempaa keskittymistä tion puolela, järjestystä ja selvyttä oppitimoila, kielenopetusta äsken tulheile, alempia veroja niile, jotka tekevä työtä, enämpi työpaikkoja ja uusi hallitus syksyn vaalien jälkhiin.



Johan Pehrson

Liberaalien johtajan nimi oon Johan Pehrson ja se oon pojessa Örebrosta. Johan oon 54 -vuotias, neljän lapsen isä, yrittäjä ja lakimies. Johan oon poliitikko siksi ko hään rakastaa Ruottia ja uskoo muutosten maholisuutheen.



Korkeitten pyrkimysten

koulupolitiikkaa

Liberaalit oon puolue, joka asettaa koulun ensisijale. Kaikissa luokkasalissa pittää olla järjestystä ja selvyttä. Kaikila oppilhaila pittää olla kunnon koulukirjoja kaikissa aiheissa. Se oon tärkeätä, ette vanhemmat ja oppilhaat itte saava valita koulun. Vapaakouluja pittää Ruottissa olla, mutta opetuksen taso oon tärkeämpi ko vapaakoulujen osakheitten arvo.

Koulu jossa tieto oon keskheinen asia

Tietotaso kouluissa tarttee nousua. Tukea tarttevalle oppilhaale häätyy antaa varhain ja arvosanojen vaatimukset selviä. Semmoset oppilhaatki, joile koulunkäynti oon helppoa, pitävä saa'a lisäoppimisen uhmaa. Meän päämäärä oon, ette ruottalainen koulu häätyy kuulua mailman kaikkiin parhaimphiin.

Lissää aikaa luokkahuoneeseen

Met tarttema enämpi opettajien johtamia oppitiimoja ja enämpi opetusoppitiimoja. Oppilhat, joila oon vaikeuksia koulussa häätyvä saa'a enämpi oppitiimoja ja joile koulunkäynti oon helppoa pitävä saa'a enämpi uhmaa. Net, jotka riskeeraava ettei pärjää koulussa eikä saa hyväksytyjä arvosanoja häätyvä käy koulua lupa-aikoina.

Järjestyksen nostoa työrauhan takia

Tänäpäivänä koulu oon liika sekava ja turvaton. Koulu tarttee järjestyssäntöjä ja selvää seurausta niile, jotka oon kaverille haittana. Opettaja häätyy määrätä luokkahuoneissa ja sillä pittää olla selvä velvotus hallita oppitiimojen järjestystä. Vain näin oppilhaat saattava keskittyä ja tuntea turvaa.

Integrašuunipolitiikka mikä saattaa

saa'a lopun ulkopuolisuuete

Meilä oon politiikka, joka hoitaa integrašuunin, kattoo perhään ette useampi ulkopuolinen oppii ruottin, pääsee töihin ja osalistuu ytheiskunthaan. Jokasella kansalaisela, niin uuelako vanhaala, meän maassa, oon oikeus asua turvalisella alueela.

Ruottinkielen polttopiste

Ruottinkieli oon ruottalaisen ytheiskunnan auvain. Met haluamma nähä kieliesikoulun äskentulheitten lapsile ja kielitestin kansalaisuuen saamiseksi. Useampi pittää työpaikala saa'a oppia ruottia ja äsken tulheet pitävä saa'a ruottinoppia ja ytheiskuntaoppia ensimmäisestä päivästä lähtien Ruottissa. Integrašuunia ei saateta totteuttaa ilman ruottinkielen polttopistettä.

Kaikin jotka saattava pitävä olla töissä

Tarvithaan enämpi ammattikoulutusta nuorile ja äsken tulheile. Met tykkäämä, ette se oon parempi saa'a ensimmäisen työn vähemällä palkala ko ette ellää apurahoila. Kaikin pitävä saa'a työmaholisuuen, tienata ommaa rahhaa ja niin antaa osansa olemalla osa ytheiskuntaa.

Kovia otheita kunniakulttuuria vasthaan

Kunniakulttuuri iskee tuhanshiin nuohriin tyttärhiin ja poikhiin. Koulu ja siukkahoito tartteva parantaa työnsä vasthaan sortoa, jota harjotethaan kunnian nimissä. Liberaalit haluava nähä täyen kielon koskien lapsi- ja serkkuaviolittoa ja sen lisäksi kovempaa rangastusta niile, jotka tekevä kunniarikoksia.

Enämpi liberaalia politiikkaa

Tekniikkiratkasuja ilmaston pelastusta varten. Met uskoma, ette uusi tekniikki ja inovašuuni oon ilmastomuuttamisen auvaimia. Met haluamma rakentaa uutta yinvoimaa ja haluamma kans, ette saastan päästäminen pittää maksaa.

Alentakaa työteon vero. Työnteko ja opinto häätyvä kannattaa. Met tarttema laskea verot niin, ette tavaliset ihmiset saava enämpi plompukhaan. Pittää aina olla kannattavampaa olla töissä ko ellää tukirahala.

Kyllä Eurooppalle. Met uskoma, ette tämän päivän haastheet saatethaan vain ratkasta yhdessä. Klaarataksemme rajanyliset haastheet ilmaston, migrašuunin ja ilmastouhan puolela met tarttea enämpi maanvälistä ytheistyötä Euroopassa.

Säilyttäkää henkilökohtanen asistansi. Met olema siitä ylpeitä, ette met hommasimma henkilökohtasen asistansin ihmisilile, jotka tartteva sitä. Sulla pittää olla oman elämän ja oman vaphauen oikeus, huolimatta siitä jos tarttet arkipäivästä tukea taikka et.